

Ўқитувчи
нўноқ,
репетитор
зўрми?

Йирик дастур-
ларга бюджет-
дан маблағ
ажратилмайди

Табиатни
онангиздай
ардоқланг



КУЧЛИ ДАВЛАТДАН — КУЧЛИ ФУҚАРОЛИК ЖАМИЯТИ САРИ



ЖАМИЯТ

№ 2 (687)
2020 йил
17 январь,
Жума

Ижтимоий-сиёсий газета 2006 йил 31 августдан чоп эти

www.bong.uz

jamiyatgzt@mail.ru

*Дада, дейишса,
даҳшатга туришман!*



“Долларчи” лар
давлатдан
кўрқмайдими?

“ТАТУИРОВКА СЕНГА
СОДИҚ ҚОЛАДИ!”



“ҚАЧОН БАНКОМАТГА
ПУЛ ЕТИБ КЕЛАРКИН?”

ҚИСКА
САТРЛАРДА
ЎҚИНГ!

2020-2022 йилларда Ўзбекистон Республикасининг ижтимоий ва ишлаб чиқариш инфратузилмасини ривожлантириш дастури тасдиқланди.

Йирик дастурларга бюджетдан маблағ ажратилмайди

Яқинда Президентимиз раҳбарлигида ўтган йиғилишда 2020 йил Давлат бюджети параметрларини сўзсиз ижро этиш бўйича амалга оширилиши лозим бўлган масалалар муҳокама қилинди. Унда жорий йилдан бошлаб иқтисодий барқарорликни таъминлаш учун тадбиркорларни қўллаб-қувватлаш, уларнинг сонини кўпайтириш ва бюджет даромадларини мунтазам ошириб бориш бўйича доимий равишда тизимли ишларни ташкил этиш зарурлиги бўйича таклифлар берилди.



Президентимиз мазкур жараёнларда ҳар бир тадбиркорга шароит яра-

тиш, уларнинг дардига малҳам бўлиш, бир нафар тадбиркор ўз фаолиятини

тўхтатса, бунга “фавқулодда ҳолат” сифатида қаралиши зарур, деб таъкидландилар.

Ҳақиқатдан ҳам 2020 йил иқтисодий соҳа ходимлари ва барча даражадаги ҳокимлар учун синов йили бўлади. Сабаби илгари маҳаллий ҳокимликлар томонидан қилинадиган қурилиш-таъмирлаш ишлари ва шунга ўшаган катта маблағ талаб этиладиган дастурларга республика бюджетидан маблағлар ажратилар эди. Эндиликда республика бюджетидан маблағ ажратиш фақатгина инвестиция дастурлари, маҳаллий бюджетларга трансфертлар ва қайтариб бериш шарти билан бериладиган ссудалар орқали амалга оширилади.

Мисол тариқасида, ўтган йилларда “Обод қишлоқ” ва “Обод маҳалла” дастурлари доирасида харажатларнинг катта қисми республика бюджетидан амалга оширилган. Эндиликда, маҳаллий бюджетларга қўшимча маблағлар топиш йўллари қидириши, тадбиркорга айланиб, бизнес вакиллари билан елкама-елка ишлаш, яъни ишбилармонлар солиқ тўлаш қобилиятига эга бўлиши учун истиқболли лойиҳаларга етарли миқдорда айланма маблағига банк кредитлари ажратиш, ўз вақтида қайтарилишини назорат қилиб бориш зарур бўлади. Агар шу масалалар ҳал этилмаса, белгиланган мақсадларга эришишда қийинчилик-

ларга дуч келамиз.

Бундай муаммоларнинг олдини олиш учун Президентимиз томонидан ҳам амалий, ҳам ҳуқуқий шарт-шароит яратиб берилди. Тегишли қарорлар қабул қилинди. Қонунлар чиқарилди. Энди фақатгина тизимли равишда, сидқидилдан ва виждонан ишлаш керак, ҳолос. Шундагина кўзланган мақсадларга эришамиз.

Шу билан бирга, йиғилишда солиқ тушумларини ўз вақтида йиғиш масалалари ҳам муҳокама марказида бўлди. Бунинг учун ҳокимлар ва уларнинг иқтисод бўйича биринчи ўринбосарларига, молия ва солиқ идораларига аниқ вазифалар берилди. Бундан ташқари, маҳаллий ҳокимликлар томонидан ошириб бажарилган даромадлар, биринчи навбатда, ҳудудларда мавжуд инфратузилмани яхшилашга йўналтирилиши кераклиги қайд этилди.

Шунингдек, янги Солиқ кодексини амалиётда тўғри ишлашини таъминлаш, унинг нормаларини тадбиркорлар, фуқаролар, солиқчилар ва маҳаллий ҳокимлик вакиллари онгига синдириш мақсадида кенг тарғиб қилиш, кодекс мазмун-моҳиятини тадбиркорларга етказиш, иқтисодий комплекс идоралари ходимлари ва тадбиркорларни ўқитишни ташкил этиш юзасидан тегишли топириқлар берилди.

Албатта, буларнинг ҳаммаси кўтарилган масалаларга жиддий ёндашган ҳолда, қўйилган вазифалар ижросини сўзсиз таъминлаш, пировардида эса, иқтисодий соҳа ходимлари учун синовли йил бўлиши қутилаётган жорий йилда иқтисодиётимизни янада ривожлантиришга хизмат қилади.

Мақсуд ҚУРБОНБОВ,
Олий Мажлис
Қонунчилик
палатаси депутати

Олий Мажлис Қонунчилик палатасига “Ўзбекистон Республикасининг Жиноят кодексига ҳамда Ўзбекистон Республикасининг Маъмурий жавобгарлик тўғрисидаги кодексига ўзгартириш ва қўшимчалар киритиш ҳақида”ги қонун лойиҳаси келиб тушди.

Мазкур лойиҳа давлатимиз раҳбарининг 2019 йил 6 сентябрдаги “Дори воситалари ноқонуний айланишининг олдини олиш чораларини кучайтириш тўғрисида”ги қарорида белгиланган вазифалар ижросини таъминлаш мақсадида ишлаб чиқилган.

Эсингизда бўлса, 2016 йилда мазкур соҳани тартибга солишга йўналтирилган махсус “Дори воситалари ва фармацевтика фаолияти тўғрисида”ги Қонун ҳам янги таҳрирда қабул қилинган эди. Унинг 20-моддасида дори воситаларини чакана реализация қилиш Соғлиқни сақлаш вазирлиги томонидан тасдиқланадиган шаклдаги рецептлар бўйича, рецептсиз бериладиган дори воситалари эса вазирлик томонидан тасдиқланган рўйхатига кўра, рецептсиз амалга оширилиши белгилаб қўйилган.

Бироқ аҳоли орасида шифокор тавсиясиз ўзини-ўзи даволаш ҳолатлари кенг тарқалган. Бу эса, дори воситаларининг ноҳўя таъсири юзага келишига, организмдаги микроорганизмларнинг антибиотикларга резистентлигини ортишига, яъни антибиотикларнинг даволовчи таъсири сусайишига ёки умуман йўқолишига олиб келади.

Бундан ташқари, ҳуқуқни муҳофа-

за қилувчи органлар томонидан 2019 йил давомида кучли таъсир қилувчи дори воситалари бўйича Соғлиқни сақлаш вазирлигига киритилган маълумотларга кўра, кучли таъсир қилувчи дори воситалари ноқонуний айланиши бўйича 186 та муурожаат тушган бўлиб, 47140 ўрам дори воситаси мусодара қилинган. Ўрганишларда кучли таъсир қилувчи дори воситаларининг суиистеъмол қилинаётганини, уларнинг асосан ёшлар томонидан нотиббий мақсадларда қўлланилаётгани маълум бўлди. Бу эса, нафақат уни суиистеъмол қилган фуқаро соғлиги ва ҳаётига хавф солади, балки бундай шахсларнинг зурриёди турли нуқсонлар билан туғилишига ҳам олиб келиши мумкин.

Таҳлиллардан кўриниб турибдики, дори воситаларининг ноқонуний айланиши ва уларнинг суиистеъмол қилинишига йўл қўймаслик, дори воситалари, жумладан, кучли таъсир этувчи моддалар айланишини тартибга солишни такомиллаштириш, хусусан, дори воситалари ва тиббий буюмларнинг реализация қилиш қондаларини, рецепт бўйича дори воситаларини бериш тартибини бузганлик учун жавобгарликни такомиллаштириш бугун давр талабига айланмоқда.

Кучли таъсир этувчи моддалар айланиши тартибга солинади

Шунингдек, аҳолининг соғлиғини сақлашни таъминлаш, айниқса, ёш авлоднинг соғлиғи ва келажагига салбий таъсир кўрсатадиган кучли таъсир қилувчи дори воситаларининг нотиббий мақсадларда қўлланилишининг олдини олиш, ҳар томонлама баркамол авлодни тарбиялаш учун қўшимча имкониятлар, шарт-шароит яратиш мақсадида соҳани тартибга солувчи қонунчиликни янада такомиллаштириш, хусусан, бундай қонунбузилиш ҳолатлари учун жавобгарликни белгилаш ўта муҳим.

Шу жиҳатдан, мазкур қонун лойиҳасини ишлаб чиқиш давомида масалага ҳар томонлама чуқур қаралди. Аввало, АҚШ, Канада, Европа Иттифоқи, МДХ давлатларида Россия, Беларусь, Украина, Молдова ва Қозғистон каби давлатлар қонунчилиги, шунингдек, долзарблигидан келиб чиқиб, жамоатчилик муҳокамасини ўтказиш, тадбиркорлик фаолиятига таъсирини баҳо-

лаш учун уни Ягона интерактив давлат хизматлари порталига жойлаштириш орқали аҳолининг фикри ҳам ўрганилган.

Ушбу қонун лойиҳасининг қабул қилиниши шифокор рецепти бўйича бериладиган дори воситалари ва тиббий буюмлар, шу жумладан, кучли таъсир қилувчи моддалар рўйхатига киритилган дори воситаларининг ноқонуний чакана савдосига барҳам беришга имкон яратади. Шунингдек, аҳолининг соғлиғини сақлашни таъминлаш, шифокор кўрсатмасисиз даволаниш натижасида юзага келадиган ноҳуш ҳолатларнинг олдини олиш, баркамол авлодни тарбиялаш учун қўшимча имкониятлар ва шарт-шароитлар яратади.

Зумрад БЕКАТОВА,
Олий Мажлис
Қонунчилик палатаси
депутати



Ушбу саҳифа Олий Мажлис ҳузуридаги Нодавлат но-тижорат ташкилотлари ва фуқаролик жамиятининг бошқа институтларини қўллаб-қувватлаш жамоат фонднинг “Фаровон ҳаёт қонун устуворлигида” грант лойиҳаси асосида тайёрланди.



Жорий йилнинг 23-25 апрель кунлари Тошкент шаҳрида “Tashkent Law Spring” II Халқаро юридик форуми бўлиб ўтади.

“Татуировка сенга содиқ қолади!”

Кўча-кўйда тана аъзоларига нақшли гул, кўп қиррали юлдуз ёки ниманинг бўлса ҳам акси туширилган сурат чиздириб, камига уни кўз-кўз қилиб юрган йигит-қизларга, афсуски, кўп дуч келамиз. “Дўстинг севганинга тажовуз қилиши мумкин, севгилинг ҳам ташлаб кетиши бор гап, вафодор итинг ҳам бир куни сени тарк этади, аммо татуировка сенга содиқ қолади!” Бу каби ибораларни Европада татуировканинг “обрўси” XVII асрдан орта бошлаган ва улар татуировкани ёшлар орасида оммалаштиришда ажабтовур ғояни илгари сурган эканлар.



Татуировканинг кенг оммалашиб кетишига технологик тараққиёт ҳам сабаб бўлган. Хусусан, 1891 йилда ихтирочи Орейли игна билан экс-центрик ва электродвигателни бирлаштириш орқали янги асбоб яратди. Бу эса олдинги ўта оғриқли жараённи муқобил услублар билан анча енгиллаштирди. Бугун эса игналар ўрнига замонавийлашган электр ускунаси ва оғриқни қолдирувчи воситаларнинг ихтиро қилиниши туфайли унинг оммалашishi янада тезлашиб бормоқда.

Маълумотларга қараганда, татуировканинг уч тури мавжуд бўлиб, улар татуаж, темпту ва менду ҳисобланади. Шулардан “татуаж” асосан аёлларнинг юз пардозига лаб, кўз қовоқлари ва қошларига ранг, шакл ва сайқал бериш. “Темпту” — муддатли татуировка. “Менду” эса Ҳиндистонда



ташқи кўриниш имижига кучайтириб юбормоқда. Ёшлар уларнинг ташқи кўринишидан тортиб, ҳатто хатти-ҳаракатларига ҳам тақлид қилади. Шу нуқтаи назардан юртимизга кириб келётган айрим хорижий кино ва мусиқий клиплар ёшларимизга салбий таъсир кўрсатётгани ачинарли ҳол. Айниқса, чет эл эстрадаси ёхуд спорт юлдузлари ташқи кўринишларининг ёшларимизга бўлаётган таъсири эса алоҳида эътибор қаратиш керак бўлган масала.

Даромад ортидаги ёвузлик

“Ёшларга оид давлат сиёсатининг асослари тўғрисида”ги Қонуннинг 6-моддасида шундай дейилган: “Ўзбекистон Республикасида ёшлар орасида одоб-ахлоқни бузишга, шу жумладан, зўравонликни, ҳаёсизликни ва шафқатсизликни ташвиқот қилишга қаратилган

кенг тарқалган бўлиб, у асосан аёллар танасига эркакларнинг ҳирсини кўзгатиш мақсадида туширилади.

Ҳақиқатдан ҳам айни кунда татуировка ва унинг татуаж тури ёшларимиз орасида авж олиб кетди. Шунга айтиш керакки, буни ёшларимиз орасида оммалаштиришда айрим эстрада хонандаларимизнинг

ҳар қандай хатти-ҳаракатлар ман этилади”. Хўш бунга қай даражада амал қилиняпти?

Татуировка қилиш жуда кучли оғриқ билан амалга ошадиган жараён бўлиб, унда турли бўёқлардан фойдаланган ҳолда одам терисига “расм” чизилади. Бўёқларнинг ҳужайрадаги макрофаглар ёрдамида сўрилиши натижасида ушбу “санъат асари”нинг умри инсон умри билан тенг бўлади, яъни бутун умр тери юзасида қолади. Ҳатто, ҳозирда тақлиф этилаётган лазер нури ҳам татуировканинг ўрнида чандиқ ёки қора ва жигарранг доғларни қолдирмоқда. Татуировка энг камида икки сеансда амалга оширилади. Ҳар бир сеансда суратнинг ҳажмига қараб игна тахминан минг марта инсон терисини тешади. Шу ўринда игнанинг тана терисига 1 ёки 2 миллиметр чуқурликда киришини тасаввур қилиш кўринг.

“Гўзаллик салонлари”даги татуировка ёки татуаж хизматидан фойдаланиш аслида ўз истагимизга кўра жар ёқасига бориш эмасми? Ёки “Гўзаллик саломида” фаолият юритаётган ишчиларнинг татуировка бизнесидан келётган даромад кўзларини кўр қилияптими? Оммалашиб бораётган татуировка оқибатида 22 хил саратон касаллиги билан ҳасталаниш мумкинлигини ёшларимиз наҳот билмайди. XX асрнинг 50-60 йилларидан бошлаб татуировка барча ёшлар ҳаётида ўзининг иккинчи асосий даврини бошлади. Бугун эса бу кўштирноқ ичидаги юксак бадний санъат Марказий Осиё, хусусан, юртимиз ёшларини ҳам ўз оғушига тортмоқда...

Гўзаллик қурбонлик талаб қилади...ми?

Момоларимизнинг қилган пардозлари ҳам табиий воситалардан бўлган. Айниқса, табиий мойлар, гул ва ифोर ёғлари, сурма, хина, ўсмадан пардоз

учун фойдаланган. Аммо кейинги вақтларда ёшлар, ҳатто баъзи катта ёшдаги аёлларда ҳам кўз, қош ва лабларни сунъий бўйаш (татуаж, растушовка), танага расм солдириш (татуировка) русумга кириб бормоқда. Бу жараёнлар оғриқли бўлса-да, аёлларимиз гўзаллик олдида ҳар нарсага тайёр эканини намойиш қилмоқда. Шунга айтса керак-да “Гўзаллик қурбонлик талаб қилади” деб.

Ўзбек қизлари ва аёлларининг қошлари сув ичалдиган ўсма, кўзлари нур оладиган сурма, рўҳиятларига кўтаринкилик бахш этдиган хина каби табиий пардоз воситалари ўрнини, наҳот ҳам маънавий, ҳам жисмоний зарар келтирувчи “алламбало”лар эгалласа-ю, қараб тураверсак. Қачон кутуламиз, бундай балолардан? “Қачон” деб юраверсак, жамиятимиздаги инсонлар ўзгариши амримаҳол...

Агар ҳомладорлик пайтида татуировка қилинган бўлса, туғилажак фарзанднинг турли нуқсон, камчиликлар билан туғилиши эҳтимоли йўқ эмас. Хусусан, мутахассисларнинг фикрича, ОИТС, гепатит С, инсон терисининг юза қисмида бўладиган стафилокок каби касалликларнинг кўпайишига олиб келади.

Вашингтон университети олимлари илмий изланишлардан сўнг, татуировка жараёнида кўплаб саратон касаллиги билан бевосита касалланиш эҳтимоли бор эканлигини таъкидлашса, португалиялик шифокорларнинг фикрича, вақтинчалик татуировкаларнинг одам терисига турли хил аллергия келтириши: экзема, дерматит каби хасталикларнинг кузатилиши эҳтимоли бор. Шу билан бирга игна орқали танага тушган инфекция йирингга айланади.

Демак, ўз соғлигимиз, ўз келажакимизни асраш ўз қўлимизда!

Гулҳаё ҲУСАНОВА,
“Жамият” мухбири

Ўқитувчи нўноқ, репетитор зўрми?

— Холида опа, қаранг 7-синфлар орасида Маҳмудов ўқувчингиз жуда одобли, мавзуни тез илғаб олади, фикрлаши ҳам бошқаларга қараганда теранроқ, шу бола менга ёқади-да!

— Ҳа, нимасини айтасиз, ўзи шу ўқувчим бошқача ақли-да...

Адабиёт фани устозимиз Гулчеҳра опадан бадий китоб олиш учун хонасига кирганимда беҳосдан ушбу суҳбатни эшитиб қолдим. Анча вақт хаёлимни қандайдир саволлар, ўйлар тинч қўймади. Қизиқ, устозларимиз орасида бўл-

ган суҳбат биз ўқувчиларни ҳам баъзида қийнаб туради. “Геометрия дарсига киргим келмаяпти, шу устозни кўришга кўзим йўқ”, “Физикани ўзи тушунмайман, яна ҳар дарс доскага чиқариб, масала ҳечансан дейишига ҳайронман, домла, ечолмайман десам, гап қайтарма Турсунов, домла мачитла бўлади” дегани ёқмайди, дарсдан қочамизми, ўртоқ?”

Шундай ўқувчилар борки, улар ўзлари қизиққан фанга астойдил тайёрланиб боради ва устозларининг меҳрини қозонади. Бизга “Қуш уясида кўрганини қилади” мақолини ўқитувчилар бот-бот такрорлаб туришади. Аслида бунда биринчи ўринда оила, лекин мактабнинг роли ҳам катта. Чунки кунимизнинг асосий қисми жонажон мактабимизда ўтади-да...



Ўқувчиларнинг яна бир тоифаси бор. Улар иккинчи ўйда тўполон қилади-ю, аммо оиласининг бағрида, ота-онасининг олдида шўхликларини билдирмайди. Эҳтимол, отасидан кўрққани учун, дерсиз? Унда нега устозидан хайиқмайди? Бу билан ота-онасининг ҳурматини ўрнига қўйганидек, ўқитувчисининг ҳам ҳурматини жойига қўйиши кераклигини назарда тутялман. Инновацион ғоялар билан ўқувчиларни ўзига жалб қилиш қобилиятини ўзлаштирган устознинг дарсини тингламаганимиз, шу ўқитувчидек замонага ҳамнафас бўлишга интилмаганимиз

учун эртага олий ўқув юртига кириш учун кўшимча “репетитор”га борами. Ваҳоланки, “репетитор” ҳам айнан мактаб дарслигини ўқитади.

“Бизнинг вақтда шу репетиторсиз ўқишга кирардик, ҳозир эса ўқишга кирганини кўшимчага бормаган деб тасаввур қила олмаймиз”, дейдиган устозларимизни эшитиб, хафа бўласан киши. Шундай пайтларда “шу нарсани яна йўлга қўйсак, оиламиз бюджетига фойда бўларди, агар сизлар ўз устингизда...” дегинг келади-ю, беҳурматлик бўлмасин деб жим ўтираимиз.

Ҳар бир бола устозининг диққат эътиборида яъни, эркатой ўқувчиси бўлишини истайди. Фақат паст ўзлаштирган болага устози бошқалардан кўра кучлироқ эътибор берса, кифоя. Ана шунда устозларимизнинг барчасини барчамиз бирдек севаимиз, дарсдан қочиш фикри асло хаёлимизга келмайди.

Юлдуз ЎРОЛОВА,
ЎЗЖОКУ талабаси



Миллий гвардия бўлинмаларига контракт бўйича ҳарбий хизматга номзодлар учун талаблар белгиланди.

2019 йил 5-17 июнь кунлари Ўзбекистон Республикаси Олий Мажлиси Қонунчилик палатаси ва Сенати Девонлари бир гуруҳ ходимларидан иборат парламент делегацияси АҚШ Конгрессининг «Open World Leadership Program» («Очиқ дунё етакчилик дастури») дастури доирасида Америка Қўшма Штатларига ташриф буюрди.



АҚШ ЖОЗИБАСИ

икки маҳобатли биноси бор: бири Т.Жефферсон, иккинчиси Жеймс Мэдисон номи билан аталади. Икки бино ерости йўли билан ҳам бирлашган: адабиётлар бир-бирига ташқарида, қуёш нурида эмас, ана шу ерости, салқин йўлдан ташилади.

Худди шу манзарани АҚШ Конгрессининг Вакиллар па-

қа штатларга борганимизда ҳам ҳадеб эътиборимни тортаверган нарса бор: йўллар тор бўлишига қарамай, бирорта ҳайдовчи йўлни тирбанд қилмайди. Қоида китобида машинани йўл четига қандай қўйиш ёзилган бўлса, шундай қўяди. Йўл талашиб, бир-бирига ҳалақит бермайди, сигнал чалиб, асабузарлик қилмайди. Ал-

батта, бу гапларим мутлақлик касб этмайди, сигнал овози ҳам баъзан эшитилади: у ҳам бўлса, “тез ёрдам”, ўт ўчирувчилар машинаси ё полиция сиренаси...

Ўрганса, ўргангудек йўл маладияти...

Калифорния томонларда...

Иштирокчилар дастлабки уч кунлик пойтахт тadbирларидан сўнг бутун мамлакат бўйлаб штатларга тарқалиб кетади. Бизнинг делегация чеккига Калифорния штати тушди.

Калифорния — АҚШ штатлари орасида худуди жиҳатидан ҳам, нуфуси жиҳатидан ҳам энг йириги ҳисобланади (қарийб 40 миллион аҳоли яшайди). Тинч океани соҳилида жойлашган ушбу штатнинг майдони 411 минг км/кв (қиёслаш учун: Ўзбекистон Республикаси худуди — 448,97 минг км/кв).

АҚШнинг иқтисодий жиҳатдан юксак ривожланган штати ҳисобланган Калифорния муҳим ҳарбий ишлаб-чиқариш маркази ҳамдир. Авиация, ракета-космик, радиоэлектроника, кимё sanoати, нефтни қайта ишлаш, машинасозлик, кemasозлик, қора металлургия ривожланган. Муҳим sanoат марказлари — Лос-Анжелес, Сан-Франциско, Сан-Диего, Окленд ҳам, кино sanoати маркази Голливуд ҳам шу штатда жойлашган.

Мен штатнинг маркази — Сакраменто шаҳрида турдим. АҚШ “қокили”ни икки уммон — Атлантика ва Тинч океани ювиб турганидай, биз кўноқ бўлган Калифорниянинг Сакраменто шаҳри бағридан икки йирик — Сакраменто ва Американ дарёси тўполон қилиб оқди. Одамлари қалби ҳам дарёсига ўхшайди: сиртдан сокин, ичдан — тошқин.

Гапим бошида айтай: Крис Смит (Chris Smith) ва Жүлия Смитлар (Julia Smith) оиласи бизни жуда яхши қабул қилиб олди. 64-63 ёшли бу инсонларнинг меҳмондўстлиги ва меҳридан баҳраманд бўлдик. Улар Ўзбекистон, ўзим, ишим, оилам, болаларим ҳақида сўрашди, имкон қадар сўзлаб бердим. Улардан ҳам шу ҳақда сўрадим:

— Фарзандларингиз борми? — дедим ниҳоят қимтинибгина. Улар бир нафас сукут қи-

Ушбу делегация таркибида “сеҳрли диёр”га бориш, дунёнинг энг қудратли давлатларидан бири ҳисобланган ушбу мамлакат ва унинг халқи билан яқиндан танишиш менга ҳам nasib этди.

Хўш, нега кўпчилик Америкага боришга интилади, уни кўришни орзу қилади? Ушбу юртининг жозибаси шунчалик кучлилиги боиси нимада? Бу саволларимга, табиийки, бутун сафар давомида, керак бўлса, ҳар қадамда жавоб топиб борарвердим...

Мақсад не эди?

Мамлакатимиз тараққиётининг янги босқичида Ўзбекистон-АҚШ муносабатлари ҳам янги поғонага кўтарилди. Бунга, айниқса, Президентимизнинг 2018 йил 15-17 май кунларидаги АҚШга тарихий ташрифи ҳамда мазкур ташриф мобайнида эришилган келишувлар муҳим воқеа, ҳуқуқий асос вазифасини ўтамоқда. Бунинг ортидан кўплаб соҳалар қаторида мамлакатларимиз парламентлари ўртасида ҳам икки томонлама мулоқот фаллашиб кетди. Хусусан, АҚШ Конгресси кутубхонасининг “Очиқ дунё” дастури доирасида Олий Мажлис палаталари делегацияларининг АҚШга сафарлари кўпаймоқда. Ўз навбатида, Конгресс вакиллари ҳам мамлакатимизга ташриф буюрмоқда.

Икки мамлакат парламентлари аъзолари — сенаторлар ва депутатлар ўртасидаги ҳамкорлик, ўзаро делегациялар алмашинуви эндиликда парламентлар палаталарининг Девони ходимлари ўртасида ҳам давом этмоқда. Бизнинг сафар — ана шундай борди-келдилардан бири бўлди.

Делегациямиз илк манзил — Вашингтон шаҳрида бўлиб, АҚШ Конгресси ва Сенати фаолияти билан яқиндан та-

нишди. Ушбу давлат парламенти вакиллари билан қатор учрашувлар ўтказди. Уларда асосий мақсад — АҚШ парламентаризми, Конгресс палаталари ҳамда уларнинг девонлари фаолияти, очиқлик ва шаффоқлик тамойиллари, қонун ижодкорлиги, парламент назорати амалиёти, давлат ва жамият қурилиши, сайлов тизимининг ўзига хос жиҳатлари, ижтимоий-сиёсий, маданий жабҳалардаги ютуқлари, умуман, ўрганиш мумкин бўлган кўплаб соҳалардаги тажрибаси билан танишилди.

Мулоқотларда, ўз навбатида, тараққиётнинг бугунги босқичида Ўзбекистонда олиб борилаётган кенг кўламли ислоҳотлар, мамлакатимизнинг янги, замонавий қиёфасини шакллантириш, чинакам демократик ҳуқуқий давлат барпо этиш ҳамда кучли фуқаролик жамиятини ривожлантириш йўлида амалга оширилаётган ишлар, кечаётган янгилıklar билан америкалик ҳамкасбларни таништиришга ҳаракат қилдик.

Учрашувларда икки томонлама муносабатлар юқори даражага кўтарилгани ва ҳозирда қизгин ривожланаётгани, бунга икки давлат Президентларининг қатъияти, прагматик сиёсати сабаб бўлаётгани қайд этилди.

Вашингтонда кечган уч кун мобайнида Конгресс кутубхонасида асосий тadbир — дастур иштирокчилари — Ўзбекистон, Украина, Грузия, Косово давлатларидан делегациялар вакиллари учун семинар бўлди. Семинар дастури ранг-баранг тузилган: давлат хусусий шериклигидан тортиб, Америка федерализми, сайлов тизими-

« Шаҳардаги илк театр, илк кўп қаватли уйлар ўтмиши билан танишиб, шундай хулосага келдимки, атиги 160 йиллик тарих билан ҳам дунё эътиборини торта олишни билиш керак экан. Агар бизнинг Бухоро, Гива, Самарқанд, Шахрисабз, Тошкент каби 2700, 2500, 2200 йиллик тарихга эга шаҳарлари бўлганида, билмадим, Америка одами нималар деб, нималар қилар эди... »

дан тортиб, маданий ҳаётга. Албатта, бу борала дастурнинг иштирокчи давлатлари делегацияларидан ҳам ўз мамлакатининг айна мавзулардаги янгилıkları ҳақида сўрашди, дўстона фикр алмашилди...

Конгресс кутубхонаси дунёдаги энг йирик кутубхона деганича бор экан: 1800 йил-

латаси билан Сенатидан ҳам кўрдик. Парламент палаталарининг улкан бинолари ерости йўли билан бир-бирига туташган. Дунёга машҳур Капитолий, парламент палаталари бинолари ҳам, Конгресс кутубхонаси биноси ҳам қуруқ савлат тўкиб тургани йўқ: гўё музейга айланган. Уларни сайр қилаётиб, бутун Вашингтон шу масканларда тўпланиб олгандек туюлди... Болалар, қари-қаранглар, сайёҳлар — зўрама-зўраки эмас, катта қизиқиш, ихлос билан томоша қилиб юрибди.

АҚШ пойтахтида кўча-қўйда ўйнаб ёки бесар юрган ўйинқароқ болаларни учратмайсиз. Фақат ишга-ўқишга шошилган одамлар, итини сайр қилдириб ёки ҳордиқ чиқаришга ошиққан нурунийлар, ҳар қадамда осмонўпар



да АҚШ Президенти Томас Жефферсоннинг кутубхонаси негизда ташкил қилинган бу зиё масканининг адабиёт фонди 90 миллиондан ортиқ босма нусхани ташкил қилади (2002 йил маълумоти). Дунёнинг 450 дан зиёд тилидаги китобни топиш мумкин. Нодир нашрлар ҳам кам эмас. Кутубхонанинг

биноларни томоша қилиб, фотосуратга муҳраётган сайёҳлар... Билдимки, болалар ё таълимда банд, ё маорифнинг узвий қисми бўлган ана шундай маърифий-маданий ошоналарда — парламентга саёҳат, кутубхоналар зиёрати, музейлар томошасида.

...Вашингтонда ҳам, бош-



ИИББ маълумотида кўра, 2020 йилнинг 6-январь кунидан 12-январгача ИИББ ЙХХБ ЙПХ инспекторлари томонидан 7 771 та йўл ҳаракати қоидабузарликлари қайд этилди.

лишди ва:

— Мушугимиз бор, — дедилар ёнимиздаги диванда мулоим боқиб турган паҳмоқ мушукни кўрсатиб.

Ўзбекиона ҳаёл, андиша билан, уларнинг ярасига туз сеппи кўймай дея, сафар якунига қадар бу саволга бошқа қайтмадим...

бўлар экан-да...

Калифорниядаги расмий учрашувлар, тadbирлар қатъий тузилган вақт жадвали асосида кечди.

Америка жамиятида ихтиёрий волонтерлик (кўнгиллик) жуда ривожланган экан. Дейлик, биз хонадонда яшган Смитлар оиласи ҳам волонтерлик билан шуғулланаркан. “Midtown Morning

сарияти ростдан ҳам уй-жойсиз, ишсиз, яроқсиз одамлар. Тўғри, баъзилари нормал ҳаётга қайтиб, жамиятда ўз ўрнини топиб кетади. Аммо, қолганларининг аҳволини кўриб-билиб туриб, уларни қаровсиз қолдириш ярамайди. Бизда имкон борку...”, деди.

Бир неча кундан сўнг дастур доирасида Сакраменто

шаҳри биқинида жойлашган “Folsom Lake Lions Club” номили волонтерлар клубига олиб боришди. 1917 йилда тузилган бу кўнгилликлар гуруҳи аъзолари ҳам асосан кексалардан иборат. Назаримда, уларни америкача тушунча: қўли етган инсон нимадир қилиб, кимгадир, нафи тегсин, умри поёнида яхшиликлар қилиб, билимини, тажрибасини бериб кетсин, деганга ўхшаш қараш бирлаштириб тургандай...

роллари, парта, дафтарлар ҳам ўша даврники. Шаҳардаги илк театр, илк кўп қаватли уйлар ўтмиши билан танишиб, шундай хулосага келдимки, атиги 160 йиллик тарих билан ҳам дунё эътиборини торта олишни билиш керак экан. Агар бизнинг Бухоро, Хива, Самарқанд, Шаҳрисабз, Тошкент каби 2700, 2500, 2200 йиллик тарихга эга шаҳарлари бўлганида, билмадим, Америка одами нималар деб, нималар қилар эди...

НИМАДА?

Америкача кўнгиллик

Калифорнияда яшай бошлаган илк кунлари Америка жамиятида, дейлик, инсон кексайганида нима қилади, деган савол мени ўйлантирган эди. Бу саволга Смитлар оиласи мисолида жавоб топдим ва ҳавас қиладиган кўп жиҳатлардан бири сифатида қабул қилдим: эр-хотин пенсияга чиққан, калифорнияликларга хос яшайди. Ўзиям, кўзиям тўқ. Биргаликда нақ 55 мамлакатга саёҳат қилган экан! Ўзгани кўрсанг, ўзингга қиёслайверасан экан: бу оилани ҳам ўзимизнинг чол-кампирага чоғиштирдим. Бизда отахону онахонлар Смитлар ёшида хонадон тўртини тўлдириб ўтирди, бола-бақра, неварачеварага пенсиясидан тарқатиб, раҳматини олади. Уларни мактабу боғчага элтиб, олиб келади, тўй-маъракадан ортмайди. Ҳама ернинг ўз тош-тарозиси, турмуш кечирини ҳадиси

Glories” деган волонтерлик гуруҳига аъзо ўлароқ, Сакраментодаги уйсиз, қаровсиз қолган фуқароларга хайрия қилиб тураркан. Бир кун тонг саҳарлаб, оила бизни ҳам шаҳар четроғида жойлашган бир марказга олиб борди. У ерда уй-жойсиз икки юз эллик чоғли одам йиғилган экан. Смитлардай яна бир волонтер оила шунча ночор одамга баян, мандарин, шоколад, йогурт, печенье, тухум каби кўплаб озиқ-овқат маҳсулотлари тарқатди. Ўтиборлисиз, Сакраментодаги кўплаб волонтерлик гуруҳлари икки ойлик жадвалини бўлиб олган: ҳар кун бири-икки гуруҳ вакиллари хайрия қилади. Яъни, уйсизлар ҳар кун елимхалтасини тўлдириб кунлик озиқ-овқатдан баҳраманд. Ўйлаб қоласан киши: ҳар кун бундай қорин тўйдириш уйсиз одамлар сафини кенгайтириб, боқимандаликни баттар ривожлантириб юбормайдими? Мулоҳазамни айтсам, Крис: “Йўқ, буларнинг ак-



Ўтмиш ўтмишдай бўлса...

Сакраменто шаҳрининг тарихий қисмида, баланд-баланд замонавий бинолар орасида бир қаватли, чоғроқина иншоот бор. Бу Сакраментодаги илк таълим маскани — мактаб бўлиб, 1856 йилда қурилган экан. Мактаб ўша пайтда қандай кўриниш касб этган бўлса, ҳозир ҳам шу ҳолида сақлаб қолинган. Тарих мулки-да! Дейлик, Сакраментони дунёнинг энг гўзал кентларидан бирига айлантирамиз деб, шаҳарда очилган илк мактабни буздириб ташлашмаган... Бугун бу ерга келувчи ҳар бир меҳмон, сайёҳ шаҳардаги музейлар, илк тарихий обидалар билан бирга, мазкур мактабни ҳам, албатта, томоша қилади. Таништирувчи-гид аёл ўша замон муаллималари либосини кийиб олганча тушунтиради. Ўқув ку-

Жасур КЕНГБОВЕВ,
журналист

Мамлакатимизда банк-молия соҳасида ўтказилаётган ислохотлар ўз натижасини бермоқда. Хусусан, исталган банкдан валюта айирбошлаш имкониятига эгамиз. Бироқ қинғир йўлдан юришга ўрганиб қолган шахслар ҳалигача эски одатни ташлай олмаяпти. Ўзбекистонда валюта яккахукмронлиги ўрнатилган бўлиб, хориж валютасини айирбошлаш, қарз олиш ёки бериш тақиқланади. Бунинг учун маъмурий ва жиноий жавобгарликлар белгиланган.

Жорий йилнинг январь ойида хориж валютасини ноқонуний олиш ёки ўтказганлик учун жарима оширилишини назарда тутадиган қонун қабул қилинди. Унга кўра, бу қонунбузарлик такроран, катта миқдорда ва бир гуруҳ шахслар томонидан олдидан тил бириктириб оёдирилганда энг кам ойлик иш ҳақининг 300 бараваридан 500 бараваригача миқдорда жарима ёки 3 йилдан 5 йилгача озодликдан маҳрум қилиш билан жазоланади. Аммо қонун кучга кирганига қарийб бир йил бўлишига қарамай, ҳали-ҳануз бозорлар ҳудудида “долларчилар”нинг овози қулоғингизни қоматта келтиради. Ачинарли жиҳати шундаки, улардан бир неча қаддам нарида ички ишлар ходимлари ўз ишлари билан машғул бўлиб туришади. Бундай ҳолатларга “Чорсу”, “Бек-барака”, “Чилонзор буюм” бозорлари олдида шахсан гувоҳ бўлганман.

“Долларчи”лар давлатдан кўркмайди?

Нима учун халқимиз ҳалигача “қора” бозордан валюта айирбошламоқда? Бунинг бош сабаби банкоматлар етишмаслигидир. Ҳаттоки, юқорида келтирилган пойтахтимизнинг йирик бозорлари атрофида ҳам бу муаммога дуч келаемиз. Ахён-ахёнда қулоққа чалинадиган сабаблардан бири эса банкоматларда пулнинг йўқлиги. Бу ҳодиса юзасидан мутасаддиларга мурожаат қилинса, улар: “Пул тарқатиш учун жўнатилган, аммо “Инкасатор” машинаси тирбандликда қолиб кетгани учун пул ўз вақтида етказилмаган”, дея жавоб беришади. Пул зарур бўлган одам “Қачон банкоматта пул етиб



гани. Бизнинг халқимиз банкни излаб вақтини зое кетказгандан кўра, зиёнига бўлса ҳам “кўчада” валюта айирбошлашни афзал кўрмоқда. Бу одамларнинг маданиятига ҳам боғлиқ. Чунки айнан қора бозорда бир пайтлар доллар курси банкдаги давлат курсидан икки баробар юқори эди. Шунинг учун фарзандлари чет элдан жўнатаётган пулларни “қора” бозорда майдалашга интилишарди. Энди-чи? Одамлар алданиб қолиши кўпайиб боравергандан кейин давлат ҳам уларга мос имконият яратди. Лекин бу иллат ҳалиям давом этаётгани бор гап. Уларнинг миёсида “У шу ишни қиляпти-ку, мен ҳам қилсам, нима бўлади”, деган фикр ўрнашиб олган. Аҳолининг катта қисми эса банк-молия соҳасида ўтказилаётган ислохотлардан бебаҳар бўлиб, банкларда валюта айирбошлаш тарти-

Жамоатчилик назорати

бини ҳам тушуниб улгурмаган. “Долларчилар”га қарши қанча қонун ҳужжатлари қабул қилинмасин, улар гўё қонунга итоат этишдан бош торгандек ўз ишларини сувоққонлик билан давом эттирмоқда. Бироқ нима сабабдан ҳуқуқ-тартибот органлари қонуннинг ижроси тўла-тўқис бажарилишини назорат қилмайди? Ёки ҳуқуқ-тартибот идораларига ҳар замон ўтказиладиган тезкор тadbир вақтида қўлга тушадиган “долларчилар” керак, холосми? Улар қачонгача ҳисобот ёзиш учун ишлайди? “Ноқонуний валюта савдосига чек қўйилди”, дея бонг уряпмиз. Лекин ҳалигача бунинг тўлақонли натижасини кўрганимиз йўқ-ку. Деҳқонлар орасида бир гап бор: “қушлар, паррандалар, ҳайвонлардан ортгани деҳқонники”. Ноқонуний валюта савдоси билан шуғулланувчилар “моли”нинг катта қисмини хавфдан холи қилиш мақсадида денгиздан томчидек “қурбонлик” қилаётгандир, тоғ йўнувчи тоғни қанча йўнгани билан уни тугата оладими? Ҳуқуқ-тартибот идораларининг “долларчилар”нинг турли найрангига осонгина алданиб қолаётгани ачинарли ҳолат. Аммо ҳақиқат ачинардан юқори туради. Чумчүк донни ўғринча қанча ёйишидан қатъий назар, деҳқон экин эканерганидек, “долларчилар” ҳам ўз ишнини қилаверадими?

Нодирбек ИБОДУЛЛАЕВ,
ЎЗЖОКУ талабаси



Энди бирламчи бозордан кўчмас мулк ва транспорт сотиб олинганда ипотека ва гаров шартномаси нотариал тасдиқланмайди.

Чўчиб уйғониб кетдим. Атрофга секин назар солдим. Кўшни хонадаги жанжал-тўполон овозига ўрганиб қолган бўлсам-да, кўркув фариштаси юрагим билан дўстлашиб олган эди. Парда ортидан ҳали ҳам ёруғлик кўринма-яптими, демак тонг отмапти. Сахардан барча мусулмон эрақлар яхши ният билан туриб, таҳорат олиб, масжидда намоз ўқиб келишса, менинг дадам сўкиниш сўзларни тасбеҳ йи-гиргандек айтар, тонг сахардан оёқда туrol-мас даражада маст ҳолда келиб, онам билан жанжаллашар эди.

Кўчадаги дўстларига тазийқ ўтказиб кўрган шекилли, кўзлари кўқарган, юзи тирналган, уриб, ариққа итариб юборганми ё кетаётми, ўзи думалаб кетганми билмадим, уст-боши лой, аламини онамдан олди эди.
Халқимиз бежизга “Кўрқок эрақ аёл кишига кўл кўтаради” деб айтмас экан. Мана ўз кўзим билан ҳар доимгидек исботини кўрдим. Оғиздан боли кириб, шоди чиқиб сўкишлари-га “гўзал” ургу бераётган дадамнинг тил бойлигидаги сўзлари тутаб қолди назаримда онамни бўға кетди. Онамни ўлдириб қўйишидан кўрқиб, чинқириб юбордим. Кўлимдан ҳеч нарса келмас, девор ортига беркиниб йиғлай олардим ҳолос. Яхшиям 15 ёшли опам бор.

Хонада балан овозда кулду кўтарилди. Ҳаёлим ҳам қочди. Нима учун кулишгаётгани билишни истедим. Лекин ҳамма менга қарайди. Кимдир яна менга тааллуқли кулгили гап айтгандир... Ерга қаралдим. Буни қанчалик хоҳламасам-да оёғим атрофи ҳўл, калготқаларимгача шилта бўлиб ётарди. Совқотганимдан, буни сезмабман ҳам. Ўзимни шармандаликдан ҳў қаерга олиб қочолмасдим. Устозим бир қизни опамни чақириб келишга юборди. Опам келганида уни кўчоқлаб йиғлагим келарди. Ўзимни зўрга тийдим. Ўқитувчим синфдошларим олдида опамга полни артиб олишини ай-

Дада, дейишса, даҳшатга тушаман!

У ҳам кўрқанидан кўли қақтираб, тиши қирсиллаб бурчакда турган эди. Отамдан нафратланиб, бор зарб билан итариб юборди. Дадам оёғида чайқала-чайқала каравотнинг темирчи бошини уриб йиқилди. Ўз қизи кўл кўтарганидан ҳажд отига минди шекилли, тоқча устида турган чойнакни олиб, опамга қарата олди. Чойнак мен беркиниб олган девор ортига тегди. Юрагим шувуллаб кетди. Энди унинг овози ортиқча эди. Ҳамма ер бир зум жимиб қолди. Секин хонага қардим. Чойнак синиқлари ерда ётар, деворда совиб қолган чойнинг шамалари ва ранги қолибди. Газаб отига минган отам аёллардек қарғана кетди. Юрагим шу қалар зада бўлганки, кимдир дада, деса ҳозиргача юрагим даҳшатга тушади. Хонадан қочиб чиқишга улгурган онам ва опам мени чала-чулпа кийинтириб, олиб кетишди.

Ташқарида қаҳратон совуқ. Январ ойининг ўзига хослиги сезилиб турибди. Кечаси билан ёққан қорнинг ҳали ҳам майда-майда қировлари тушарди. Онам мактабда ўқитувчи бўлиб ишлади. Ҳалол лўқма топиб бизни ва дадамни боқарди. Опам ўша мактабининг юқори синфида ўқир, мен эса ўша йили биринчи синф бўлган эдим. Ёшим ҳали тўғри келмасе-да, онам уйда ўтиришимни хоҳламади. Боғчага эса маблағ етмасди. Ҳар маош олганларида дадам пулларни ўғирлаб кета-

дди. Беш ёшли қизалоқнинг ўзидан катта синфдошлари олдида кулги бўлиши, опамнинг эса ўзидан неча ёш кичкина болалар олдида уятга қолиши юрагимнинг бир четиди қолиб кетган.
Ўша мудҳиш воқеани ҳеч қачон унутмайман. Бу ҳикоя менинг ҳаётимдаги бир кун эди, ҳолос. Менга ўхшаб, ёруғликни кўриши билан дардга чўмган, отасининг хатолари учун жабрини тортиши, ҳаётини кўз-ёшлар билан бошла-ла ўғил-қизлар қанчадан-қанча. Дунёнинг ташвишларига берилиб ўз оиласи, фарзандларини унутиб иш қўраётган ота-оналарга Аллоҳдан инсоф беришни сўрайман.
Фарзанднинг кулгиси, бахти ҳеч нарсадан устун бўла олмаслигига қафолат бера олам. Тинч, осуда ҳаётда яшаётган эканми, бунинг учун шукр қилиб ватанимизнинг тинчлиги, келажакдаги маккеи учун бераҳм, бешафқат, ҳаётга қасос олиш билан қарайдиган душманлар етиштириб эмас, балки меҳрибон, истисдоли, кучли ва соғлом фарзандлар тарбиялайлик. Ёмон иллатларга ўрнатиб қолган ота-оналарга болаларингиздан ҳеч қачон ҳеч нарса устун бўла олмаслигини тушунтироқчиман, ҳолос!
Айни пайтда олийгоҳда ўқияпман. Келажакдан умидим катта.

Рўхсона КАРИМОВА,
ЎзЖОКУ талабаси



Бегали Эшонқулнинг чизмаси бўлиб қолган.

“Худудгаз Фарғона” аҳоли жонига оро кирди

Вилоятда 821 474 та газлаштирилган истеъмолчилар мавжуд. Газлашган хонадонлардан 304 331 таси табиий, 513 291 таси суюлтирилган газ билан таъминланган. 2018 йилга нисбатан 2019 йил ҳолатига табиий газ истеъмолчилари кўпайган бўлиб, шу жумладан, аҳоли хонадонлари 8 301 та, ҳамда автомобилларга сиқилган газ қуйиш шохбчалари 15 та янги газлаштирилди. Айни қиш кунларида аҳоли кулай шароитларда истиқомат қилмоқда.

рик, Қува, Бувайда, Кўштпепа, Фурқат ва Олтиариқ туманларида 6 та газ тўлдириш шохбчалари ва 2 та газ тўлдириш станцияси аҳолига хизмат кўрсатмоқда.

Техник хизмат кўрсатиш сифатини ошириш, махсус техника паркни сон ва сифат жиҳатдан янгилаш мақсадида «Худудгазтаъминот» АЖ ва «EPSILON» компанияси билан ҳамкорликдаги қўшма лойиҳа асосида вилоятнинг чегара худудларида жойлашган Сўх тумани ва Фарғона туманининг Шохимардон худудларидаги аҳоли хонадонларига суюлтирилган газни ўз вақтида етказиб бериш таъминланди. Бунда ҳар бири 320 тадан маиший газ баллон ташиш қувватига эга бўлган 2 та “Shacman” русумли махсус автотранспорт воситалари “Худудгазтаъми-

нот” АЖ томонидан «Худудгаз Фарғона» МЧЖ ихтиёрига тақдим этилиб, аҳолига беминнат хизмат кўрсатмоқда.

Аҳоли хонадонларига суюлтирилган газни ўз вақтида етказиб беришда “ISUZU” русумли махсус автотранспортлар сони 91 тага, ишлаб чиқарувчи заводлардан суюлтирилган газ ташувчи махсус “MAN” русумли автотранспортлар сони 19 тага етказилди. Бунга қўшимча равишда Кўштпепа, Фурқат ва Олтиариқ туманларида 3 та маиший газ баллонларини синовдан ўтказиш шохбчаларини қуриш ишлари якунига етказилиб, фойдаланишга топширилди. Ҳозирда аҳоли хонадонлари газ таъминоти корхонаси томонидан шартнома асосида вақтинча фойдаланиб туриш учун етказиб берилган газ баллонлар белгиланган тартибда бепул синовдан ўтказиб берилади.

Маълумот учун, аҳоли истеъмолчиларига суюлтирилган газ имтиёзли нархларда ажратилган бўлиб, 1 кг суюлтирилган газни етказиб бериш нархи 1120 сўмни, 20 кг суюлтирилган газ ёки битта маиший газ

Интилиш

баллони нархи 22400 сўмни ташкил этади.

2019 йил “Обод маҳалла” дастурлари доирасидаги вилоятнинг 4 та шаҳридан танлаб олинган 15 та маҳаллада 19,34 км газ қувурларини жорий таъмирлаш ишлари бажарилди, шунингдек, 37 та газ тақсимлаш қурилмалари реконструкция қилинди.

Фарғона вилоятининг барча шаҳар, туманларида “Кузқиш мавсумида юзага келиши мумкин бўлган фавуқолда вазиятлар, табиий ва суюлтирилган газдан тўғри фойдаланиш, ис газидан заҳарланиш ва ҳаво-газ аралашмаси қақнаши билан боғлиқ вазиятларнинг олдини олиш”, “Турли хилдаги иситиш мосламаларидан тўғри фойдаланиш ва ёнғин хавфсизлиги қоидаларига амал қилиш” мавзуларида профилактик амалий семинарлар ўтказиб келинмоқда

Улуғбек ҚўЧҚОРОВ,
“Худудгаз Фарғона” МЧЖ бош директори



Ўзбекистон Ҳавфли юкларни халқаро йўлларда ташиш тўғрисидаги Европа битимига қўшилди.



XalqBanki

кредит фоиз ставкаларини пасайтирди

Мижозларнинг талаб ва истакларини инобатга олган ҳолда Халқ банки 2020 йил 14 январдан бир қатор кредит хизматлари учун фоиз ставкалари пасайтирилганини ЭЪЛОН қилади.



АВТОКРЕДИТ

1 йилга 28 фоиздан кам бўлмаган миқдорда
2 йилга 29 фоиздан кам бўлмаган миқдорда
3 йилга 30 фоиздан кам бўлмаган миқдорда


TRADE-IN АВТОКРЕДИТИ

1 йилга 28 фоиздан кам бўлмаган миқдорда
2 йилга 29 фоиздан кам бўлмаган миқдорда
3 йилга 30 фоиздан кам бўлмаган миқдорда

ИСТЕЪМОЛ КРЕДИТЛАРИ

1 йилга 28 фоиздан кам бўлмаган миқдорда
2 йилга 29 фоиздан кам бўлмаган миқдорда
3 йилга 30 фоиздан кам бўлмаган миқдорда

“TRADE-IN”



Микроқарз 1 йилга 30 фоиздан кам бўлмаган миқдорда



Хорижда ишлаётганларнинг ҳуқуқларини ҳимоя қилиш бўйича Департамент қайта ташкил этилди.